



Pro Val Bever sa dosta

Cunter il project d'in nov tunnel da l'Alvra che la Viafier retica vul realisar datti opposiziun.

8



In Na, ina giada plitost Gea ed in pari

Il trends per las votaziuns dals 22 da settember èn per part clers, per part n'èsi decidì anc nagut.

11

DIE SÜDOSTSCHWEIZ

LA QUOTIDIANA

Redacziun: Via comerciala 22, 7007 Cuiria, tel. 081 920 07 10, fax 081 920 07 15

Società simpla Clemgia Tarasp inchanta Hotel Scuol Palace

■ (anr/mfo) Davo tschinch inchantants publichats ma na reuschits ha in venderdi davo mezdi tunà il martedì d'inchant trais voutas sün maisa. L'Hotel Scuol Palace es gnü inchantà ed appartegna uossa darcheu a la Società simpla Clemgia Tarasp. Per Markus Testa da San Murezzan, il responsabel operativ da la Società simpla Clemgia Tarasp, es l'inchant da l'Hotel Scuol Palace stat seis prüm al qual el ha fat part. Per la summa da 2,35 milliuns francs es il complex d'hotel darcheu tuorna per uschè dir a chasa. «Eu nu poss però giubilar», disch Testa.

Cha da savair cha l'inchant es per l'anterior possessor da l'hotel, la Friedmann GmbH, ün di nair nu til fetscha plaschair. «Quella società fa perditas remarchablas e quai nun es mai bel», manaja'l. Cha grazcha il fat ch'el s'vess haja üna fich buna relaziun culla famiglia Friedmann s'haja dürant il passà eir adüna darcheu spostà il termin da l'inchant. «Uossa vaina però stuvü reagir e quai scha pussibel a favur da nossa società simpla, ma eir a quella dal cumün e da la regiun», concluda Markus Testa.

> PAGINA 7

Negins incaps pli gronds

Il menaschi dil center per requirents d'asil sil Lucmagn funcziuna senza problems

DA HANS HUONDER / ANR

■ Il menaschi dil Center federal per requirents d'asil sil Pass dil Lucmagn ei resta ussa senza gronds incaps. Quei atesta la responsabla Susanne Lenherr. Satisfats ei era il president communal Peter Binz. «Nus savein trer ina bilanza ordvart positiva. A nus ei gnanc in sulet incap enconuschents. Il cuntrari ei il cass. Il requirents d'asil han prestau bia buna lavur en vischnaunca ed ellas vischnauncas vischinontas», constatescha Peter Binz. Il menaschi vegn accumpignaus d'ina gruppa da lavur cun representants dallas instituziuns pertucadas e dallas vischnauncas involvidas. Quella ha denton giu pauc da far. Tenor Peter Binz ei la numera da hotline installada en cass da problems mai vegnida nezegiada. Ina bilanza positiva tila era la substituta dil center da recezziun e procedura per requirents d'asil ad Altstätten e responsabla per il menaschi sil Lucmagn, Susanne Lenherr: «Il



Il president communal da Medel, Peter Binz, tila ina bilanza fetg positiva dil menaschi dil Center federal per requirents d'asil sil Pass dil Lucmagn.

KEYSTONE

menaschi ei staus fetg ruasseivels entochen ussa. Nus havein giu mo pigns problems e quei sulet tamein cun singulas persunas.»

Biebein 150 requirents d'asil han giu dimora sil Lucmagn entochen ussa. 23 persunas ein buca returnadas da lur «congedis» la

fin d'jamna. Il 18 d'october 2013 vegn il center serraus.

> PAGINA 3

«Di dalla reit» a Glion

DA HANS HUONDER / ANR

■ Repower dispona d'in niev e grond luvratori en Surselva. El sesanfla a Glion e la sonda vargada eis el vegnius presentaus alla publicitad. Rodund nov milliuns francs ha l'interpresa grischuna investau en quei baghetg ch'ei vegnius construius el decuors dils dus davos onns e retrats avon paucs meins. Colla-

boraturas e collaboratur han orientau ils visitaders davart lur lavurs ed incumbensas, mo era davart las localitads novas. En connex cun quei «Di dalla reit» ha Repower informau arisguardias lavurs vid la reit, mo era igl engaschament ella produzziun, la vendita ed il commerci cun energia electrica.

> PAGINA 5



Repower ha orientau la publicitad la sonda a Glion davart siu camp da lavur ed engaschament.

FOTO H. HUONDER

Distgargiar las famiglias

■ (anr/ld) En vista a las diversas intervenziuns politicas sin ruccha en il parlament federal ha la federaziun tetgala svizra da las cassas da malsauns Santésuisse formulà propostas per distgargiar las famiglias cun uffants e las chasadas da la classa mesauna. Quellas pajan actualmain las pli autas premias a las cassas da malsauns. Santésuisse vul mantegnair il princip da solidaritad tranter persunas saunas e malsaunas cun augmentar las contribuziuns dal maun public e cun cumpensar meglier ils ristgs.

> PAGINA 2

Novs cudeschets religios per uffants

■ (anr/vi) Trais novs cudeschets religios porscha la pravenda da Vachava als uffants rumantschs. Il reverenda reformà Hans-Peter Schreich ha translata ed edi els. I sa tracta dad istorgias da l'autura Regine Schindler che chapescha da zugliar ponderaziuns pulit complexas en raquints simpels. Uschia declera ella la muntada dal battaisem or da vista d'ina sora ch'è in pau scuidusa sin ses frarin che vegn battegià.

> PAGINA 9

Per la quarta ga

Bands dalla Surselva han exercitau a Dangio

DA HANS HUONDER / ANR

■ L'jamna vargada ein rodund 30 giuvenils dall'entira regiun separticipai al camp da bands dalla Scuola da musica Surselva a Dangio. Il menader Corsin Stecher ei cuntents cul svilup. «Enteifer quell'jamna savein nus luvrar intensivamein e senza squetsch», di il scolast da musica.

Il plascher dils affons e giuvenils ella vegliadetgna da 10 entochen 17 onns seigi staus veseivels. Las participontas ed ils participonts dil camp han exercitau dalla damaun entochen la sera en differents localitads dall'anteriura fabrica da tschugalata Cima Norma a Dangio. El Camp Adula han els giu lur dimora. Il camp che ha giu liug uonn per la quarta ga vegn re-

petius l'auter onn. Probablamein vegn el denton ad haver liug durront las vacanzas d'atun igl october. Il motiv ei che differents giuvenils che han bandunau la scola populara san per part buca senezegiar da quella purschida igl uost, muort l'entschatta digl emprendissadi ni in'otra scola.

> PAGINA 5



Sis bands ein separticipadas al camp ella Val Blenio.

MAD

Taglia da cultus duess restar

■ (anr/fa) La regenza grischuna propona da refusar l'iniziativa «Main taglia per il mastergn», numnada er «iniziativa davart la taglia da baselgia». Avant in onn l'han inoltrada ils Giuvens liberals dal Grischun cun 4225 vuschs valavlas. L'intenziun è da abolir la taglia da cultus. Als iniziants na pari dretg ch'era las persunas giuridicas han da pajar a las duas baselgias

chantunalas quest'imposta. La taglia da cultus era vegnida introducida da l'onn 1959 causa che las baselgias sa chattavan en ina situaziun finanziaria precara. Sco che cussegliera guvernativa Barbara Janom Steiner di distgargias l'aboliziun da la taglia da cultus mo minimalmain las persunas giuridicas.

> PAGINA 2



Servetsch d'abunents e da distribuziun: tel. 0844 226 226 mail: abo@suedostschweiz.ch